

Inuit Tapiriit Kanatami 2009-2010

Angajuqqaap Uqausiksanga	3
Aulatsijikkut	4
Sulijursuiritit Isumagijunniqattautinirmut Kiglisiniartiit	4
Ukiurtarturq Quttinnirpaaq Canada –up Nunaqutiginiga	5
Silarjuarmiuqatigiit katujjiqatigiinningitta nalunairsininga nunalituqaujut pijunnautigijanginnik.....	5
Silaup asijjipallianiga	5
Canada-limaamuungajumi Katimajiralaat Inuit Ilinniarnilirininganut	5
Inuusilirinirmut, iliqqusilirinirmut kiinaujaliugaksanuungajunullu pivalliarnimuungajut	7
Olympic Ukirsuitinik Pinnguavigjuarniit.....	7
Inuusirmi kipsisitailititsinirmut sapummijuti (imminiirtailititsiniq).....	7
Kiinaujaliurasuttunut pivalliajuliriniq	8
Uqausiliriniq iliqqusilirinirlu	8
Makkuktut inuusuktut	8
Inuit iqqanaijaqtulirinirmut pivalliatittinirlu.....	9
Aanniaqarnangittuliriniq avatilirinirlu	10
Canada-limaami inuit katimajiralaarijanga aanniaqarnangittulirinirmut	10
Inuit Tapiriit Kanatami -arnniaqarnangittulirijikkut Canada-mi pijariakillitirijingit.....	10
Isumakkuurtunut arnniaqarnangittuliriniq.....	10
Puvalluunniq	10
Arnnianaqturjuamut upalungaijarniq (H1N1)	11
Arnniaqarnangittulirinirmut iqqanaijartuliriniq	11
Qiturngaksagaqtuni inuurataanillu arnniasiurniq.....	11
Ilinniariursaliriniq nutarqani.....	12
Arnniaq kaansu (cancer)	12
ArcticNet	13
Ukiurtartumi sururnaqtuliriniq	13
Nirijaksaqattiarniq	14
Uumajuliriniq	14
Nuktartut nunainnamiutait tuktut	15
Nanuit.....	15
Nattiq.....	16

Inuit qaujisarvingat: Inuit Qaujimaginnut Tuttarvik	17
Tusagaksaliriniq.....	18
2010 Inuit Arraagunga.....	18
Tusagaksalirinirmut ikajurniq.....	18
Canada-up Gavamakkuginni Inuinnut Turatunut Aulattijujut Iliniartitaunigit.....	18
Uqalimaagarni alakkaiqattarniq	19
Akarrijaarutit ilinniarsimajariaqartut (Qaritaujaliriniq)	19
Kiinajaliriniq	20
Kiinaulirijup Titiraqtangit	20
kiinaujait atuqtaujut naliqqangit.....	21
aulattinirmut titirautausimajut	22
Titirautaujut nangminirijaujut asijjirtauninginnik	23

Angajuqqaap Uqausiksanga

Arraagugasaulirtuni tamanna Inuit nunanga ukiurtartullarik takusartautuinnarniusarsimangmat. Taimallu takusartauvallianinga niriunaqtuni gavamakkut atuagaqutinginnut asiruivalliajjutaugiaksangata sanguttivalliasimangmat inunnuungajunut Inuit Tapiriit Kanatami.

Kuin (Queen) kiggatuijingata uqausirngautarirataalauqtanginni, Canada-up Gavamakkungit pigiaqtittilauqput nutaami katimaniujumi ajauqtuqtauqullugu silarjuarmiut katujjiqatigiingitta nalunaiqsigutingani nunalituqait pijunnautinginni ilisaqsiniujumi.

Kuin Kiggaqtuijinga silarjuarmiulimaanut saqqittilaurivuq Inuit nattirmi pimmarijuqutiqarningani, inuusittinnilu ikajuqsuilluni nunaqqatigiit niriqatigiqattarningitigut allaallu mikigaqtuqataulluni. Ikajuqsuininga miksiqattialaurmat inungnut quviagijauttiaqtunilu.

Maligaliurtirjuat Innatuqaillu nirilaurivut Canada-up Maligaliurviguangata nirivingani, Canada-up Gavamangata sivuliqtimmaringa Stephen Harper ammalu Ministautiujut katimajaqtuqsimatillugit Iqalungnut ukiuqartumuuriallaksimanirijangitta ilanginni.

Manna kisiani takugiariatsiariaqalirmigatta immaqa pigganarniqpaujumi - piusigiariniq ilagiingujut qanuujjusirijanginni qanuingitsialikkanniqullugit.

Isumaalunarmat iqparuttigut Canadami Inuit inuusirijangit silarjualimaami ajuqsanginnirpauqataujumiitillugit, makkua inuusilirinirmut-kiinaujaliurnirmullu qanuittumiinnirijangit Inuit Nunanganni ajjiliutijaksaungmata taikkunani nunalinni ajursanirpaujuni makippallialitainnartutut.

Inuusuttuqutivut ununngiluqaqtut ilinniariiqpalliangmata, pijariiqsijut tamaaniituinnarmata sulii 25pusantimi. Amisuni pijjutiqauppuq, alakkaumanirpaanguqataullunilu ilutsianik pitaqangiluarninga nunalinnilu inuusittiarigutitsat pitaqaungiluarningit. Isumakkuurtunut inuulisainiq pitaqangiluatsiarmata, imminiik inuusirmini kipisijut amisuuluqutigiluatsiarsuniuk. Puvalluqattaqtullu amisuuluamatsiarivut 185-ngiqsurtumi amisuuniqsautigivut Canadami inuusimajuni nunalituqaungittut puvaluqattangimmatali.

Canada-up Gavamakkungit, piliriqatigatsiaqpata gavamauqatigijanginni, atausirmiluatuaq pijaqarutik Inuit aanniaqatqulirininganut ilinniaqtulirinirmullu saangatsigiarlutik, kiinaujaqartitsitsiarajartuuguluat illukitsanirmut arliarutaujut uqilligiartaugajaraluarput.

Ukiurasarnut Inuit annagunnaqsimmamata qaujimanitik, ilisimatsiarningit sanatujuunirijangillu aturtaullutik. Annagunnarsimajut sivulitirijangit silami nunamillu ujjirusutsiarasuarsutik piqattarsimanikunginnut qanuqtuukkannirutigillugu silamillu kisiani malittutiusimagamik.

Turaagaqaratta surusiqutivut qanimanginniqsauqullugit, ilinniaqsimaniqsauqullugit annagutiksanginnilu sanarrutiqattialiqullugit kinguvaariniartattinnut qimaiviqattiaqullugitauq. Qaujimatsiaqtugut tamakkua pijariakittuungimmata aanniaqatqulirinirmut ilinniarnilirinirmullu qanuilinganiujut aaqkikkannirumaniaruttigut. Qaujimagatta tamakkua takuminanginnirijangit asijjiriaruttigut uqumaittuugunnarninganik.

Kisianiluttauq qaujimagivugut qanuiliurutigingittariangit ajurnarmat qikarutigituinnarumanginnattigut.

Inuit Tapiriikkut pijaksaqarmata asijjiqulituk ajauqtuinirmi. Tamakkua piqujait, atuagaillu aulataujullu gavamakkunnut Inungnut naammaksimangittut asijjiqtautigiarlugit. Asiruqtaukkarlugulu tamakkua maligait pivallianirijangit, aulatauningit kiinaujaqatqitauningillu Inuit maannaujuq sivuniksattinnilu kinguvaariniaqtattinnut sivuniksaqattiariniqsauliqullugit.

Namilimaaq aulattijilingniikkatta ammalu Canada ajjigiingittuni gavamaqaurilluni. Kisiani taimaittuuninga angiqsimalugu, nalunaiqsimattiarlutalu takkununga niruaqtausimajunut imaittumiinnitinni, sapummijaigiarunnalangavugut Inuit pijunnautingit sivumuarutigijunnaqsilugit pijumajangillu kailluarutigigiarunnalangavavut.

Uvagut ajunginnirijavut niruaqtausimalirinikkut, qaujimanivut akarrijaarutini inulimaanullu atuagaujuni aturluta gavamakkut aulajjagiarunnalangavavut nalunaiqsimajangitta ungataanut pilirittiarnirarnanginnut, nutaamut ajaurlugit -- takugiaqtittiarlugit Inungnut aanniaqtuliriniujumut ilinniarnilirinirmullu Canada-miuli-maanut turaangaluni qanuingittiarniuningatut.

Inuit taimailinganiujumi qanuiksaqsimangimmata tamannalu pigiarvigilugu asijjiqpalliaqujisimanirminut.

Uqausiksara pijariiqpalliaqitillungu, nakurmiitsiarumavakka taikkua sivuliqtiujut iqqanaijaqtingillu taikkunani qatarngutigijattinni Inuit timiujugutinginningaaqtut, atausiulluta Inuit Tapiriikkuni, inunnit kiggaqtuitsiarasuarumavakkatta naukkulimaaq Canada-taup silataani, Canada-limaami, nunatta aulatauvigani nunattalu iluani.

Kajusitilluta 2010 Inunnut Turaangalluni arraaguninganut atuinnaaruvalliatillutalu Inuit Tapiriikkuk arraaguni 40-ni nalliunniqsuurtiginaqtangani 2011-nguliqpat, nakurmiitsiarumavunga Inuit Tapiriikkut pinasuttiqutigijanginni pinasutsiasuunguninginnut. Katujjiqatigiitsivait, suurlu ilagiitsivaujutitut, takunnasiarniqarmata ajjigiinginnirmini sangijuugutiqtartutut isumagigajangitanginnilu iqqaqsarutittiavaugillugit. Niriuppunga taimaak Inuit Tapiriit Kanatami ukkuingaatsiaqtumi piusiqainnarniariangit sivitujumilu taimaak uqaqatigiinniqarunnarlutik niruaqtausimavigijara killinga qaangiqsimaliraluaqpat.

Kingulliqpaamilu, Inuit ikajuqsimajut uvanni, mikittukkut angijualukkullu nakurmiiqtainnarijumavakka, piliriaksara ingirratsiaqullugu arraaguuqaujumi. Atuutiqatsiaqsimavusi uvannut.

Mary Simon

Angajuqqaq

Aulatsijkkut

Sulijursuirtiit Isumagijunniiqattaunirmut Kiglisiniartiit

Saqqittijumaniq Sulijursuirtiit Isumagijunniiqattaunirmut Kiglisiniartiit (TRC) alakkarsimajut ilinniariaqtitauqattalautit nutarqat irqartuivikkurtittinasungninginnut aarqiatigigutiulaurtuq. Takkua sivullit Kamisinaulangajut nuqqajummata aajiiqatigiigunnaillingamik qanuiliurtiuniarriasaq agigatigiigunnailigamit ammalu qanuq piliriasamingnit. Mannali Kamisinaulirtut tunngaviqattiarnirsaujalirtut.

Inuit Tapiriit Kanatami timiungmat kamaqattaqtuq pigujjiluni Inuit timiqutigijanginnut atiliuqataulausimavut Allait ilinniariaqtitauqattartuminiit angirutingatigut taimallu ajauqtittiavausimavut Inungnuungajunik Katimajiralaanik arqitsitittijunnarsimanirmigut takkutittunarpagit. Mannali pilirivallialirivut takkua Inungnuungajunut Katimajiralaanik aulaniqattiaqullugit kinguumajanginnilu atuinnaqattiaqullugit inuit pijarialingit kinguumajangillu pijauttiaqattarlutik, Inuit uqausingaguungalutiklu tamakkua aulaginarunnarniartut Inuit nunanginni.

Ukiurtarturq Quttinnirpaaq Canada –up Nunaqutiginiga

Piliriqatiartut Inuit Silarjuarmi Katimajirjuaginnit (ICC-Canada), Inuit Tapiriit Kanatami taimangalimaaq ajaurtuusimavut atuuttaujunnattiartumit aulattiviqarnirminnut maliktaujuksami Canada-up Ukiurtartunganut pijariaqarninginnut atangirluni, tatugaksauttiarluni Canada-ullu inunginni piliriqatiqattiarlutik pijariaqarninginnik.

Taimalu ajauqtuiniirijavut maungatuinnaangimmat angirrattinni avatittinnilu. Canada-up silataaningaarsimajut Ministajut katimajarturmata Chelsea, Quebec, March 2010-ngutillugu, Amialikait allatimmaringa Hilary Clinton nalunairsilauqpuq Inuit piqataujariaqarningit pimmarujuqutiginni Ukiuqtaqtumuungajunut atuagaliurpallianasuartillugit.

Silarjuarmiuqatigiit katujjiqatigiinningitta nalunairsininga nunalituqaujut

pijunnautigijanginnik

September 2007-mi, Canada ilagijauqataulaurmat tisamainnarnut nunanut angirani nunaqarqartutigit katujjiqatigiinginningitta nalunairsiningani nunalituqaujut nunaqaqqaarnikuit pijunnautinginni. Taimanganit, inungnut sivulirtiuqut, asingittauq nunaqaqqaarnikuit atauttikkuuqatigillugit nunalituqaujuni inulimallu pijunnautinginnik sapumminasuartiit, taqasuittuullutik ajauqtuinginnarsimavut Canada-up gavamangani taimaak niruarnirilaurtangani asijjiqajillutik taimailingangilauritillallutiklu.

February 2010-mi Kuin (Queen) Kiggaqtuijiga Canada-up gavamanganni tusaqtittilaurmat immaqa taimailisimanirijamini asijjiitunnariaqarningani. Inuit Tapiriit Kanatami manna pilirivalljavut Canada-up nalunairsinirilaurtanga nalunairsinirmi taimattiaq uqarsimajangatut aturtittittiaqujillutik arqittaugutigilauqrtanganut ilulinginnullu, ammalu gavamakkut atulitittisigiarsautiqullugit nalunairtausimajuni nalunairsiniup iluani Canada-mut aturtillugit.

Silaup asijjipallianiga

December 2009-mi katimaniulaurtuq takkunani timiujuni (taijauvattut COP 15) Copenhagen, Denmark-mi, nalunairsimattiarumik suqqinartumi, angiqatigiigummi pilaungimmata qanurlu makua isiarnirlugutiit (silami puqurq aarniatarnartut, surursaijut avatimik) mikilligiartaunasungniarmagaata silaup uqquusiuvallianingartut pujurturtauvanninginnut. Katimaniq pijarirtillugu tusagaksaliagujuq allaat iqqainiqalaungilaq silarjuarmiut qanuq kiinaujatigit ikajurniqarajarmangaata silaup asijjipallianinga sukkalijummariutillugu ukiurtartumiunut tamakkualu asijjipalliagutujariaqartut kinnguumajauliriimata ukiurtartumiunut.

Kisiani Inuit Tapiriit Kanatami niriungniqatsiarsuarput inuit isumaalugijanginni, iluaqtumi tamakkua atuqtaunikuujut - sivullipaasiangulangammatta silarjuarmi isiaqititsijunirpaat, Amialikamiut Sainiisikkullu, atausimik angiqatigiinniarniarlutik silaup asijjipalliaginnargiganut.

Canada-limaamuungajumi Katimajiralaat Inuit Ilinniarnilirininganut

2009 ukiasaagani, Canada-limaamuungajuni Katimajiralaangujut Inuit Ilinniarnilirininganut, sivulirtiaqtillugit Mary Simon-mik, aarqisuivallilalaujummata upalungajautiniki inuit ilinniarnilirininginnuungajuni. Tanna aturtaujuksaliaq turaagaqammarippuq inuit ilinniarninginnut atausiuqatigiinnirmik, angiqatigiigutiuluni gavamaujunit inuillu katujjiqatigiinginnit 2006-mi katimaniqatillugit inungnut ilinniarnilirinirmut, tannattauq Simon-mit katimaniq kajusititaulartuq. Tamanna sivullirpallianguaurpuq inuit taakkunangat tisamaujuni inuit nunaqarvigijanginni Canada-up iluani pinasuartaqujanginni saqqittijunnarsimavut inuit ilinniarnilirinirmut.

Katimajiralaakkut pingasuartiit katimanirisimajangit takunnaarsimaluarniqaqsimavut utirviuqattarniartumik nalunaijautimik tamakkua atuagaujut ingirratitaujullu piusigiarutiksangit ilinniarnilirinirmut kajusittiarunnarnirsauqullugit inuit ilinniartut. Uqaqatigiigutigisimavavut atausiungittumi suurly marruunni uqausiqarniq, inungnuulingajumik tunngaviqarlunillu ilinniagaksaliurniq, angajuqaarijaujuni aulajjaigiarniq, ilisaijiit inuit amisururiaqtauqullugit pijitsirtiuvattullu, nuattiniq amiqqaarutiqarnirlu qaujimajjutiksaniq, silattusarvigjuarni ilinniarvigjuartigullu ilinniarniq innarnullu ilinniatitsiniq, ammalu nutaralaani ilinniaqtittivalliani qigiuqsatittivalliani q. Upalungaijautinik pijariirsisimalirunnarniarturijugut immaqa 2010 ukiaksaangani.

Aulattijngit

Angajurqaaq: Mary Simon

Angajuqautinut tukimuaktitsiji: Jim Moore

Angajuqaamut ikajuqti: KathleenTagoona

Angajuqautinut pijitsiqtiit allavinga

Tukimuaktitsiji: Rosemary Cooper

Atuaganut uqaujiji: John Merrit

Canada-up gavamanganuungajunut atuagarnullu uqaujiji: John Cheechoo

Iqqanaijartuliriji: Shawna Clancy

Iqqanaijaqtulirinirmut ikajuqti: Jennifer Bradley

Allavimmi ikajuqti: Maggie Amarualik

Inuusilirinirmut, iliqqusilirinirmut kiinaujaliugaksanuungajunullu

pivalliarnimuungajut

Takkua pilirivingata atinga asijjilaurtuq 2009-ngutillugu, uqausiq ilajauulluni "ilirqusiliriniq" taitsumani inuusilirinirmut-kiinaujaliugaksanullu pivalliajulirinituinnaulauruluarmatta. Inuusilirijikkut, taimaak atirqalirtillugu, suli suungujumik pinasuagaksaqarasuarput, turaagaqatsiarlutik tunngaviqaqtunit Inuit Tapiriit Kanatami turaagaksaliarisimajanginnik.

Olympic Ukirsuitinik Pinnguavigjuarniit

Tallimani tarsalik inuksunguarq tusagaksarurtaungmat nalunaikkutauniarninganik 2010 Olympic Ukirsuitinik Pinnguavigjuarniit 2005-ngutillugu, Inuit Tapiriit Kanatami inungni ilauvviqattiaqujinirminnit aulajjagialauqput tamakkuninga sananguarnirmut ilirqusilirinirmut, pularattulirinirmut ammalu kiinaujaliurutiksanut, inuusuktullu ilautitauqullugit. Canada-mi inuit katimajiralaangit Vancouver 2010-mut arqiktaulilauqput atuni inuit nunaqarvigijangit kiggaqturtaujuinnauqullugit ilauvviqattiaqullugillu tamakkuninga piqatauvigijunnartanginni Olympic-nuungaujuni. 2010-mi pinnguavvigjuarniujug aullariarutillariularmat akuni kiinaujaliurutiksauniaqtuni iliqqusilirinirmut pivalliatittijutiksanut inungnut.

Inuit Tapiriit Kanatami sanngijumi inuuqatitaattialaurmata Vancouver 2010 pinnguavigjuarnirmut parnaijiujuni (Vanoc) tisamaujunillu allait nunalituqajut susaijatinginni (FHFH), atiliuqsimajutuatsiangulaujuvugut tukisiumaqatigiinnirmut atiliurutikkut Canada-limaami asiagulluunniit, inungni alakkaumatittigiaqullugit.

Inuit Tapiriit Kanatami sanajaukkailaurivut tisamingaanguaqtuni inuit nunanginni inuk hakittiujuq Jordon Tootoo Canada-miut hakittingitta qalipaanganik atuqtillugu, qulittaujarsimajumik inunguarmi Canada-up saimmatingani tigumianguaqtillugu ammalu siarrijautikutaakkut tisuraqtiusuunguarmi ukiurtartuup qaqqangitiguunguartumik.

Olympic naniruutinga namulimaarningattaq inuit nunagijalimaanginnuulaurivuq, takkua Inuit Tapiriit Kanatami aajiiqatigatsiarsimaninginnut Nunatsiavut ilauqatauqullugu 145,000-kilumitunu ingirranigaaqtillugu, tanna avungaujirpaangulaurpuq Olympic naniruutinga nunaujumi atausirmi taimailiurutauvattillugu.

Inuit piqataunirijanga Olympic-ni taikunga matuirninganut tikiutilaurivuq, takkua 25 inuit inuusuktut mumiqataulaurmata inugasarjuarnut tautuktautillugit.

Kingulliqaamilu, qunngiaqtaujuksait inuit nunanginni aviktursimajuninngaqtut katitaulaurivut aturtaunginnangittukut takurannaartaullutik 2010 nunaqaqqaqsimajut takunnaaqtauvigani. Inungnut ullurijautitaujumi, February 20-mi, tanna illuvigaujanguaq qaummaktitaulaurpuq suurlu illuvigaup iluaniinguartutut tajjauullunilu "inuksuup tunuaniittut Inuit" - iqqaumajaksattiavaaluulaurtuq inuusirmilu atausiatuinnaq atugaksaulluni piuttialaurtuq.

Inuusirmi kipsisittailitsinirmut sapummijjuti (imminiirtailititsiniq)

Inuit Tapiriit Kanatami suli piliriaqarputt inuusirmini kipsisivattut inuit suli amisuuluarmata. Ujjirusugiakkannirutittiavuvattuq arraagutamaat inuusirmi quviasuutiqarniq Canada-mi katimajirjuat katimavialungata silataanni silarjuarmi imminiiqtailitittinirmut ullurijautitautillugu September 10-mi. Piqataujut Canada-limaami Inuit Makkuktut Katimajingit, Pauktuutit, Inuit Arnait Katujjiqatigiigut Canada-mi , Inuit Tunngasugvingat, Ottawa-mi inuit nutaqqanut kativvik, inuit tuttarvingat aanniaqarnangittulirinirmut katujjiqatigiikkunni ammalu Nunanut Sivuniksavukkut.

Sivuliqtuqut uqausiqalauqput inuit ajuinnallarittiuninginni inungnullu nunaliujut imminiarniuqattaqtuup mitsaanut, tannalu Susan Aglukark asingillu ingiqattaqtillugit taakkununga katisimajunut.

Kiinaujaliurasuttunut pivalliajuliriniq

Piliriviujuq katimaqatauvangmat Canada-limaami kiinaujaliurutilirinirmut katimajiralaangajunut inuit nunanganni (NEDCIN). Tamatuminga pilirialiit iqalungni katimalaaqtut June 2010-mi kiggaqtuijjarlutik Canada-mi ukiuqqaqtumut pivalliatittinasungnirmut timiqutigijanganni (CanNor) ammalu gavamatuqakkut inulirijituqanginningaaqtut (INAC) uqpariksautiqaqullugit aaqqigiaqtauningani inulirijituqakkut nunalituqaujunut pivalliajjutiksanut piliririjanga.

Canada-limaami kiinaujaliurutilirinirmut katimajiralaangajunut inuit nunanganni pinnguqtitaulaurmata June 2008-mi tukisiumaqatigiingnirmut atiliurnirmigut iqaluktuuttiarmi takkua nunataarutitigut angajuqaarijaujut tisamat atiliuqtuinnallutik, angajuqaangallu Inuit Tapiriit Kanatami ,Pauktuutikkullu angajuqaangat. (inulirijituqakkut ministaup tungilinga atiliulauqpuq October 2008). Takkua 22-ngullutik katimajiralaanguvut inuit timiqutigijanginni, inuit nunanginni pivallianasuktittijit timiqutigijanginni (CEDOs inulirijituqakkut ammalu CanNor. Pijjutiaqtut pivallianasuktittiniujurmi pilirijutiqaqullugit agvirutauvaktuni aksurnarutauluaqaktunilu inuit nunanginni.

Uqausiliriniq iliqqusilirinirlu

2009 aujangani, uqausilirinirmut ilinniaqpalliajuq pijaksaqaqtaumaurmat qaujisarnirmi tamakkuningalimaaq piliriangujuni uqausilirinirmut ammalu kiinaujaqtaangujunnasuunut inuit uqausinganuungajunut. Tamanna tusagaksaujuq tikiutingmat nuataulauqtunut Canada-limaami inuit uqausingannut katimajiralaangujunut (NILC) atuqtaujuksaliurasuktillugit Canada-mi inuit uqausingannut upalungaijautiuniaqtumi 2008-mi pigialauqsimajuq. Inuit Tapiriit Kanatami aaqqiksisimalirivut qarasaajakut tuqqatarvingatigut qinirviksami uqausilirinirmut ikajuutiksaujuni qaujijajutiksani taakkunangat katitauksimajuni uqausilirinirmut parnaivallianirmut, uqpariksivalliajjutiksanut, alakkaumatittinirmut ammalu papatuittiarutiksanut inuit uqausingani.

Inuit Tapiriit Kanatami suli ajaurtuijutiqaasuunguvuq inuit qanuq tusarviugiariaqarmangaata qaujimatitaujariaqasuungungmangaatalu tuniuqaqtauvanninginnut nunaqaqqaarsimajunut uqausilirijutiksaujunut kiinaujarnut (ALI). Tanna nainartaulluni ALI-niraqtautuinnapammat ungavariartaukkannilaurtuq arraagukkannirmut taimaak qaujisaqtauninga atauttikkuuqatiqarniarmat asinginnik nunaqaqqaarsimajunut turaangasuunut kiinaujaqarutiuvattunut 2011-mi. Canada-mi iliqqusilirijikkut tatsuminga nunaqaqqaarsimajunut uqausilirijutiksanut kiinaujaqtaangujunnartuq pitaqainnaqattaqujaraluanga tusarviqarasuarsimaliriiqpurlu immikuurtuni qaujisartiujuni. Inuit Tapiriit Kanatami piliriqatiqaqsimavut Canada-limaami inuit uqausinginnut katimajiralaangujuni takkunungalimaaq uqausiksauniartuni tatsumunga ALI-niraqtaujuup miksaanut ammalu inuit nunanginnuungalirtitaujuumiqullugit tamakkua aaqqiksurtauvaktut.

Makkuktut inuusuktut

Canada-mi inuit makkuktut katimajingit pijariirsilaurput piliriaksanginnut nalunaijautimi niruarnirmullu iliqqusirivanniaqtanginni takkua katilaurtinnagit Canada-mi innatuqait makkuktullu katimarjuarninga Inuvuuvinnmi August 2010-nguliqpat. Tamakkualu aaqqiksurtauvalliasinnarivut qarasaajakut tuqqatarvinga inuit makkuktut katimajingit Canada-mi (www.niyc.ca) ilinniariiqattaqtut amisururiaqtaujumangmata taakkununga, iqqanaijaaqarjuuminiqsaulirlutiklu ilinniakkanniqattarlutiklu iqqanaijarunnautiksanut, uqalimaagaksami qimirruagausinnaarluni saqqittiqattarniarlirput atiqartumik, Nipiit. Tanna qimirruagaq makkuktunut isumagijamingni isumaijarviujunnaqattalangajuq kisunillu qanuiksarmangaata, unikkaaqatigiigunnarlutiglu nunaqqatigiingikkaluarutik.

Inuit iqqanaijaqtulirinirmut pivalliatittinirlu

Inuit Tapiriit Kanatami (ITK) atuagarnut piliriangujunullu ingirratitaujunut tuqqatarviungmata aviktuqsimajuni inuit katujjiqatigiinginni gavamatuqakkunnilu iqqanaijaqtulirinirmut pivalliatittinirmullu piliriviumut. Arraaguqaujumi, Inuit Tapiriit Kanatami piqatauniqalauqput aviktursimajuni ilautittigiarutiujuni inungnuungajut atuagarujuit isumagijaukkanniqullugit atuagalirinirmut pilirianguvattunullu pivalliatittiniup iluani saqqittiniaqtillugit nunaqaqqaarsimajunut nutaami ajuranniirsautinut ilinniakkannigaksanullu upalungaijautimi (asets). Inuit Tapiriit Kanatami inungni kiggaqtuivammata iqqanaijartulirinirmut pivalliatittinirmullu angirutiqaqtiujuni katimajiuqataullutiklu nunaqaqqaqsimajut iqqanaijartulirinirmut katimajinginnut ammalu pijariakillitirijuijunut aaqqiksuvalliajunut nunaqaqqaqsimajut iqqanaijaqtulirininginnuungajunut. Takkuattauq inungnuungajuni isumagijaukkannirialingni saqqittiviqalaurivut ujaraksiugaksanut maligauniaqtuni nunaqaqqaqsimajut nunagijanginni aaqqisuuqtauvalliajuni ujaraktarialirijuijut iqqanaijaqtulirinirmut aaqqiksuijingitta katimajinginnut.

Inuusilirinirmut, iliqqusilirinirmut kiinaujaliugaksanullu pivalliatittiniq

Tukimuatittiji: Belinda Webb

Atuagalirinirmut uqaujiji: Maria Wilson

Uqausilirinirmut iliqqusilirinirmullu kamaji: Heather Campbell

Inuusuktulirinirmut piliriji: Shelly Watkins

Atuagalirinirmut kamaji: Susan Scullion

Piliriangujunut kamaji: Alyssa Flaherty-Spence

Aanniaqarnangittuliriniq avatilirinirlu

Tanna piliriviujuq ilagiinguniaqtunik piliriqatigiinguniaqtuni aaqqiksuiuvuq tamakkununga pilluataujunut kisulirijunut, aulajjaktaulauqtuq takkua pilirivigijanga aanniaqarnangittulirinirmut avatilirinirmullu katimataungmatik arraaguni sivunittinni.

Canada-limaami inuit katimajiralaarijanga aanniaqarnangittulirinirmut

Canada-limaami inuit katimajiralaarijanga aanniaqarnangittulirinirmut nalunaiqsivangmat inungnut aanniaqarnangittulirinirmut pimmaruugijaujuni, tasiuqsijusuungullunilu Inuit Tapiriit Kanatami arnniaqarnangittulirinirmut avatilirinirmullu piliriviqutinganni ammalu ITK-kut Canada-mi katimajigijanginni, tamakkua Canada-limaami inungnut turaangatitaumut atuagaujullu ingirranigattiaqullugit. Katimajiralaangujut katiqattarput arraaguq pingasuujurtulluurtugu, uqaalautikkut katingallattaartutulluunniit.

Inuit Tapiriit Kanatami -arinniaqarnangittulirijikkut Canada-mi pijariakillitirijingit

Inuit Tapiriit Kanatami katimaqatiqasuungungmata angajuqautiujuuni arnniaqarnangittulirijikkunni Canada-mi ammalu inulimaanut sapummijugiartiujuni Canada-mi uqausiqartutik ulurianartuni, k parnautiksani aaqqiksimanirsanginnilu qanurlu kamagijaugajarmangaata qilammuijukkut aturiaqarajaqtut. Tamanna atuutijunnattiarningani qaujisimalirattigut sivikittukkut aturniaqtuliurniq pivallianiqattiarluni. Pijariakillitirijit tallimani nalunaiqsisimangmata angiqatigiigutigisimajanginni: inungnuungajuni arnniaqtulirinikkut; nunalingni qanuingirsiartulirinirmut parnainiq; isumakkuurtunut arnniaqarnangittuliriniq; arnniaqarnangittulirinirmut inuliriniqu ammalu katirsuiniq nuattivallianirlu qaujimajjutiksani. Makua nalunairtausimamut atuni ilagijauqataujunit pivalliattiaraluarmangaata ujjiqsurtiullutik. Kingullirmi kiinaujalirinnakkut arraagujumut atulirtitauvalliattiarniartut tamakkua niriugijaullutik.

Isumakkuurtunut arnniaqarnangittuliriniq

Inuit qanurtuurutiqattiarumata aaqqigutiksarsiuqtutik inungnuulingajuni pitaqattiangiluarninga pillugu isumakkuurtunut aarniaqarnangittulirinirmut. Alianait inungnuungajunut pilirialit nunalingnit ammalu nunait avittuqsimaningitigut takugiarsimajuni mamisainirmi kamagijaqasuunguvut, ilisaqsiniqartutillu nunalingni nunaliillu aviktuqsimaninginni qanuiliuqpalliammangaata takujautillugillu qanuiliurpallianirijangit.

Tanna pigiaqtaulauqtillugu Alianait inungnuungajuni isumakkuurtunut ikajuutiunasuartuq December-mi, Alianait inungnuungajunut pijariakillitirijit katijiralaat gavamaujuni gavamaungittunillu timiujuuni qaujimajaugiartittikkannirasuksimavut isumakkuurtunut qanuingittiarutiksanut pijitsirutiit pitaqaungiluarninginnut, ikajuqtaujutiillu allaat atuagarni inuit nunanginni. Inuit, Alianait aqcutigillugu, nalunaiqsisimangmata isumakkuurtunut qanuingittiarulirinirmi pimmaruugiqarningani inuit nunanginni. Arraaguniaqtumi pijaksariniartanga kiinaujartaarasungniq atulirtitauvallaqullugu upalungaijautiliarijaulaurtuq.

Puvalluunniq

Puvalluunniq aksuruutaunirpaanguqatausimagivuuq inulimaani arnniaqtailinirmut qaujimatitsigiartiujuni arraaguriqaujattinni. March-siutillugu, puvalluttut inuit 185-ngiqsuqtutik amisuunirsaulaurmata Canada-mi inuunikuit nunaqaqqaarnikuungittut saniani. Tamatuminga piliriaqartiujut katimajiralaat ajauqtuilauqput Canada-mi puvallunnarmi nungutirinasungnirmut upalungaijautiujuq aaqqigiaqtauqullugu ilaakkuurtumi turaarviqattiaqtumillu upalungaijautiliurlutik inungnuungajumi ukpirnarnirsani pijaksauniqsani turaagaqattiarluni puvallunnarnirlu inuit akurnganni nungutirtaujuumiqullugu.

April-tillugu, iksivautanga Inuit Tapiriit Kanatami inuit katimajiralaangit arnniaqarnangittulirinirmut uqallagiartulaursimavut Canada-up katimajirjuangitta arnniaqarnangittulirinirmut qimirrunaktinginnut, tiliurillutik Canada-avittuqsimajuni gavamani ukiuqtartumilu gavamarijaujuni tigumiattiarjuumiqullugit puvalunnarniujumi nunaqaqqaarsimajut puvallopattut amisuuluarninginnut suurlu arraagutamaat unikkaariqattalirugit qanuq qaujisaqsimangmangaata puvalunnarmi atuinnaqaqtittininginnilu arnniavinnut arnniasiuqtimariujunullu, tamakkuninga inuusilirinirmut nalunaikkutaujut arnniaqtulirinikkut. Inuit Tapiriit Kanatami isumaliurilaurivut arnniaqarnangittulirinirmut Ministaujumut tuavirnatukkut katimatittiqullugu aviktursimaniit Canada-up iluani gavamaujut, nunaqaqqaarsimajullu sivulirtigijangitta timiqutinginni, takuttiariakkanniqullugit aulattivingata iluani kisut pijjutiuvangmangaata agviarutauvammangaatalu puvalunnarmut paaniauurutaunirijanginnut nunalituqait akurnganni.

Arnnianaqturjuamut upalungajarniq (H1N1)

Qanimannaujuq H1N1 inuit nunanginnuurmat 2009mi, arnnianaqturjuaq inuit nunanginnuulaurmat 2009mi, takkua Inuit Tapiriit Kanatami katijingit piqujivungaarummi qaangirtittilauqput inungnut turaangajuni uiguliugullugit Canada-mi aarnnianaqturjuarnut upalungajarutinginnut. Qanutigi arnnialirnimangaata ajjigiilaungittut namimiutauningit malittugit, ilangit naammaluammarittuni pillutik ilangillu ikajurtauniqsaujariaqalaututik. Ammasuli, avittursimaniujuni unikkaaqaqattalaurput ajjigiingittunik kajusiniqattialaurningit gavamarijanginnut aulatautillugit. Tamanna atuqtaulauqtuq ilippaallirutigijumallugu kingullirmullu upalungajarnialiqpata, Inuit Tapiriit Kanatami, inuit nunaqarvigijanginningaaqtuni piliriqatiqaqput titiqarmi upalungajalipata iqqaumajaksani kisullu qanurlu kajusittiarunnalauqtuni naukkullu piusivaallirunnarajarmangaata pilirinirigajaqtanga kingullirmi.

Arnniaqarnangittulirinirmut iqqanajartuliriniq

Arraagut tisamanut, Inuit Tapiriit Kanatami inungni piliriqatiqattarsimangmata tisamani nunaqarviujuni arnniaqarnangittulirinikkut iqqanajartuliriniq Canada-up ukiurtartunga piusivaalliqullugu aqquutigillugu nunaqaqqaqsimajut arnniaqarnangittulirinirmut iqqanajaqtittinasugutigijangani, tanna nutaaruriartaulaurma 2012-mut. Aulajjaigaruti kiinaujaqaqtittivangmat ujjiirjaugiakkanniqullugulu arnniaqarnangittulirinirmut arnniasiuurnimullu iqqanajangujunut inungnut makkuktunullu ilinniattiaqtuq ilinniarutiksanginni piliusiaqtitausimallutik ilinnavigjuani ilinniarutiksanginnut. Tavvuuna ilinniarvigjuarmi ilinniartaujut iliqqusituqangannut pitaqarviujunnarniarmata ammalu ilisajut iliqqusinginnut nikagusuttiartumi pijitsirtanginnut ilinniarunnainnarniarmata. Asingittauq piliriarijaujuni iqqanajartitaarasuarniq iqqanajartitsiinnarasuarnirlu arnniasiuurniup iluani piliriaksaujuni inuit nunanginni.

Inuit Tapiriit Kanatami, ilagijautillugu inuit arnniaqtulirinirmut iqqanajartulirinirmut pituinnaungittunut pijariakillitirijinut, aqqivsuivalliavut maliktaujuksaliami piliriaksauniaqtumillu atuliqtittijutiksanginnut kiinaujaqaqullugit upalungaujautiujurlu kajusititauttiaqullugu inuit nunanginni.

Qiturngaksaqaqtuni inuurataanillu arnniasiuurniq

Inuit Tapiriit Kanatami piliriqatiqainnaqpuq aviktuqsimaju nunaujuni inuit irnisuksiinirmut qiturngataalisartunullu atuvtauqattaqtuksaqtutingani. Tamanna pimmariluuaqpuq sivulirtimmarik Canada-mi Stephen Harperup uqausilluatarilaurninganut irnisuksiiniq inuurartaartunillu paqqirsivanniq takkua G8 katimatillugit.

Uqausiinni marruunni uqalimaagaq atiqartuq “Quviasullutit Pinnguatsiarit” inungnut nutaqqanut sanajaulartuq ukiulingnut 4mit-8-mut ujjiisutsiaqullugit arnniqtailijuumiqullugit siggaliaktuqtailiqullugillu. Avatini makpigalik amiagaq quliungisungaquni arnniqtailinirmut qaujijaugialinni ilinniatitsilluni, ajjinguagaqtuni,

qanuiliurialinginni ammalu uqausiksani qanuq attanangittumiittunnarmangaata. Takkua ilinniarvilimaanut tuniuqartaulaurput pairivilirijikkullu allavinginnut aullartitaujuinnaullutik inuit nunanginni.

Ilinniarsiurialiriniq nutarqani

Inuit Tapiriit Kanatami sulit turaartarviuvuq inungnut ilinniarsiurialirinirmuungajuni nutaqqanut katimajiralaarijngit, tanna arnniaqarnangittulirinirmut avatilirinirmullu piliriangujunuurtaurataalaurtuq inuusilirinirmut, iliqqusilirinirmut pivalliajulirinirmullu tigumiartaulauruluartillugu.

March 2010-mi, 100 ilinniarsiuratsittijuvattut inuit pairivinginni, nunalingni ammalu nunait avittuqsimaninginni katujjiqatigiingujuni ammalu nunaligjuangujuni Ottawa-mi mantujiamilu Goose Bay, Labrador-mi katilaujuvut, qaujijamajinni uqausiqaqullugit, inungnuungajunillu saqqijaaqitsiviqaqullugit quviasuutiqaqullugillu inungnut ilisainirivattanginni tannalu katimajurniujuq taijaulluni "nutaqqavut sivuniksavut" uvvaluunniit Canada-limaami inuit nutaqqanginni ilisaivattut katimanginga.

Tanna katimaniujuq kamagijaulaurmat nunatsiavut gavamangannut parnaktaulluni inuit ilinniarsiuratsajut pivallianinginnut katimajiralaanginnut piliriqatigijauullutik Ottawa-mi inuit nutaqqanut katittarvinga, mantujiami siqinniliqpalliajut pairivingannut, aanniaqarnangittulirijimmarikkut Canada-mi ammalu nunaqaqqaqsimajut pigiattiarutiksanga. Katimaniujuq, arraagunut 11-nut isumagijausimajuq inungnut nutaralaalrivattut ilinniarsiuratsittijuvattunullu turaangalauqpuq Canada-limaami. Katimangingatta ilanganni, tallimani kisuni Canada-up gavamangatta angajuqqaammaringannut uqaujijunnarutik inuit nutaralaat ilinniarsiuratsitauninginnut qanuq uqarajarmangaata. Takkua nalunaiqtaulauqtut pigiarutitainnavut puraimministamut turaaqtauniaqtunut, atiliuqtausimalutik takkunungalimaaq katimaqataulauqtunut, sivumuagutinga atiliuqtausimaluni Mary Simon-mut.

Arnniaq kaansu (cancer)

Inuit ikajuqtaujjutini pijitsirutinillu inuqsiqattarmata atuinnaqarviuluasuungugatiku Canada-miutauqatingitta pisuunginni. Inungni arnniasiuqtini pitaqaluanginninganut namilimaaq iqqanaijartikiksarnirmi pitaqasimangmat asijjiqtarningillu paanialuursutik, tamanna arliarutauluaqpangmat inungnut upattauqaasuungujunut. Tamakkualimaat saangajjutigilisuurivavut tusaruminangittunut arnniataaqtunut, aanniaqtaaqtailittinirmi kamagijaqangaarumagaluaqtilluta inuit taimaittukuuqattaniangimmata.

Tamakkua pillugit asingillu ajjigiingiluarnirijavut, Inuit Tapiriit Kanatami arnniarmi kaansulirinirmi piliriaqarumallarikpuq tisamani inuit nunaqarvigijangitta nunataarvigisimajanginni. Piliriangitta ilagilugu, Inuit Tapiriit Kanatami iqqanaijaqtingit piliriqatigiatqasimaliqput Canada-mi piliriqatigiingujuni aanniarmut kaansumut (CPAC), ammalu Canada-mi kaansumut piliriaqatit katujjiqatigiingit (ccan). Tamakkua piliriqatigiinnivut sangunniarunnarutigisimagattigut kanatalimaamut arnniarmut kaansumut upalungaijaqtaujuni katujjiqatigiingujuni inuillu kinnguumajanginni takugiaqsimaniqsaujuni agviarutigisuunginnilu apuqtarutauvattullu inuit kaansuqaliraangata.

Inuit Tapiriit Kanatami piliriqatigarninga CPAC-kunni, piluaqtumi, piqatautittijunnaqsisimavuuq Inuit Tapiriit Kanatami aaqkiksuitillugit uqaujjiqatit katimajinginni nunaqaqqaqsimajunut, inungnut allangajunullu kaansulirinirmi. Inuit Tapiriit Kanatami takkununga katimajiralaaniiqataulirivut ikajuqsimallutiklu niruagaksanguinirmi inuit arnniaqutlirinirmut qaujijammariqutinginni. Takkunani inuktaqakkannirutausilluni katimajiralaanit (qaujimattartumi inungmi kaansulingmi/arniaksimajumi) innuktaujunnarniartumi.

ArcticNet

Turaanga aatiknat pivalliatittiniqattiaqullugit qaujimanijumi tamakkununga angummativallianirmut upalungaijautini Canada-limaamilu atuagauniaqtuni Canada-miut ikajuqtauqullugit silaup asijjipallianinga ikpingnaluarutigijanginnut ukiuqtaqtumi. Mary Simon iksvautauqataungmat ArcticNet-kunnut, katimajiuqataullunilu Dwayne Smith (angajuqaaq ICC-Kunnut Canada-mi) ammalu Pita Aatami (Mikivikkut angajuqaangat), qaujisaruminaqtuni tiliurijiullutik inungnullu pimmarugijaujuni, ajurunniiqpalliatittinirmi ammalu ilinniagaksani inungnut makkuktunut qaujisaqtauliriniup iluagut killisiniarniullu.

September 2009-mi, ArcticNet ilinniaqtittijutiksani pitaqaqtittilauqpuq inuit qaujisarnirmut uqaujigiatigijanginnut (IRAs) Ottawa-mi. December-mii 2009 ArcticNet arraagutamaat killisiniarnirmut katimaninga Victoria, puritiskalampiamiilauqpuq, inugasangni unguurilauqpuq katimaniujuq, 12 aittuqtaullutik ArcticNet /ukiuqtaqtumi sururnaqtulirinirmut inuit aullarunautiksanginnut ilinniarutiksangannut. Takkua qaujisarnirmut uqaujigiatit nirualauqput niruagaksanguqtausimajunit, qaujisaillutiklu ammalu tunnirsaillutik takkuninga ilinniarutiksanut ilisarijaujutiksani.

Arraagumi, inungningaaqsimajut kiggaqtuijut ArcticNet katimajinginni sulii ajauqtuijuti qalauqput piuniqsami inuit - ArcticNet piliriqatigiingningani. Taimaittunnaqsijut uqallausirijaulauqtuni maliktutik inuit nunanganni avittuqsimaniujumi kiggaqtuijut ilaujuinnautilugit qaujisaqtaulirinirmut aulattinirmut katijiralaangujut (RMC), inuillu amisuuniqsaruqtauqullugit kiggaqtuqtaujuk takkunani pingasuujutunguqtillugit; arnniaqarnangittulirijikkunni inulirijikkunnilu pitaqalirluni taakkuninga katimajiralaani, atuni qaujisautiuvattut kiggaqtuijitarviujuinnautilutik; kiinaujaqaqtitaullutik allavimmi kamagijarialiit aulajutiksanginnut inuit uqaujigiatit katimajiralaanginni (IAC), takkua February 2010-mi sivulliqaanganni katimajiummata, nunangitta miksaani uqausiksarijanginni nilliaqarunnaqtitaullutik qaujisarutiuniaqtunut tuksirautilarijausimajunullu; \$1 milian turaangalluni arnniaqarnangittulirinirmut inulirinimullu killisiniarutiksaujunut, 12-nut piliriangujunuqtauniarlutik inuit nunagijalimaanginni.

ArcticNet kiinaujaqaqtitaungmat March 2011-mut nutaaruriaqtaujunnalaarluni 2018-mut tikillugu kajusijariaqarasugijaukpat. Kajusininga aatiknat 2011 kinguniagut aulattiarsimakpat kisianiungmat kajusiqujauninganullu tuksiraute 2010 ukiaksaanganni tunijaujariaqarajaqpuq. Tatimajijut ikajuqsuisimattiaqput tamatsuma nutaanguriaqtauningani, inuillu uqaujigiatit katimajiralaangit inungnuungajuni nutausiliqtaujarialingni isumaksaqsirutiksamingni tunisilaaqput (Quebec City-mi 2010 ukiaksaanganni). Tanna nainaarigiarniaqpuq inuit piqataunirijanginni piliriangujuni inuillu pinasuarumajanginni nalunaiqsisimattiarluni taimaat piliriqatigiittiarumaninginnut.

Ukiurtartumi sururnaqtuliriniq

Ukiurtartumi sururnartuliriniq (NCP) saqqitaunikuungmat 1991-mi isumaaluutaujut pillugit inungnut saqqijaartut sururnartusaluit (suurlu sururnaqtut savirajaksailu) uumajurni inuit niriqilluatausunginni. Arraaguqaujumi, ukiurtaqtumi sururnartuliriniqtitigut kiinaujaqaqtittijunnalauqput qaujisarutiksani inuit aanniaqtulirinirmut killisiaqtaugutingani, sulilu ajurunniiqtittivallialluni nunait aviktursimaningitigut nunaliillu iluani.

Aujautillugu 2009-mi, ukiurtartumi sururnartulirijikkut kiinaujaqartittilaurivut nunalingni aulataquujumi qilalugait qanuninginnut qaujisarnirmi qallunaat qaujisartingitta qaujisarutigisuungit inuillu qaujimajatuqangit aturtaujuinnaullutik tuktujaqturmi, Nunatsiaq. Inuit angunasuktiujut qaujimajutiksattiavangni ilisailuqut namungasuunguningit qanurlu iliqqusiqasuungungmangaata qilalugait, innatuqait nuattiqataullutik qaujisarutiksani asingillu nunalingningaaqsimajut titiraqpalliallutik tamakkuninga qaujimajutiksani iliuqaqtaujariaqaqtuni qilalugaqtaujulimaanit, angininga qanuittuuningalu piqasiujjauullutik. Inuusuktut pilimmaksajauningit pimmarilaurivut, qimaiviksaqattiaqullugit tamakkuninga inuillu qallunaallu qaujisaningit

qaujisarutitigut atuqtaujuinnautilugit qaujisarutinullu aturunnaqtanginni qaujivaallirutaulluni ammalu qaujisaqtiruqsajaullutik inuusuktut.

June 2009-mi, ukiurtartumi sururnaqtulirijikkut inungnut annianaqtunut qaujisarninganut unikkaa qalungni alakkaqtaujuvuq. Tavvangaqtut qaujisarutiit aksut mikillivaalliqsimalirningit sururnaqtut inungnuuqaqtut arraagut quliulartut sivunittinni takkunungalimaaq Canada-mi ukiurtaqrurmiutanginni. Kisianili, sulii sururnaqtut pitaqaqput, suurlu savirajaksaq muukuri ammalu ikijjaikkutiit, akpasiktuuguluat kisiani paungaqpalliarajaangmata. Tamanna sulii qaujisaqtauqattariaqarniaqtuq.

Turaagauniaqtut arraagumi parnainiq muukurimi savirajaksalirinirmut katimajjutiqarniq taimaak sitaakhummi katimaniulauqtutut isiaqinirlukuit sururnaqtuqutinginni (POPs). Ukiurtartumi sururnaqtuliriniq kajusiniaqpuq qanuqtuurutiqarnirmi nunalingni aulataujuni qaujisarnirmi killisiniarnimilunniit. Isumaaluniqtaqarmat tamakkua sururnaqtusalungni aanniaqarnangittulirinirmut qaujisarutiujut nuqqalirninginni, piqasiutillugu inuit aanniaqtulirinirmut killisiniarutigilauqtanga ammalu nutaqqat kinguniagut qaujisaqtauningit Nunavimmi, tamakkua tusaumajattiarajaqaraluar mata inulimaanuungajunut siammaktautsiapallutik avittuqsimaniujuni atuni.

Ukiuqtaqtumi sururnaqtuliriniq sulittauq nalunaikkuttattiauvuq qaujisarnirmut inuit nunanginni. Ikaquqsuqtauninga imaangaiqsimattiaraningalu inungni asinginnilu nunaqaqqaarnikuujuni pilirittiaqsimajuni tunngaviqattiaqtunilu qaujisarutiksattiavangni pitaqaqtittingmat sivuniksattinnut.

Nirijaksaqattiarniq

Nirijaksaqattiarniq nalunaiqtausimavuq anginiqpaanguqataugiaksangani inuit nunanginni taannalu Inuit Tapiriit Kanatami nalunaiqtaukkannirasuksimavauk ukiuqtaqtumuungalirluni arraagugasauliqtunut. Nirijaksaqattiarniq ilulitujuungmat pijjutiksaulisuungullunilu “inulimaat, taimangalimaaq, ilangit pitaqarnirmut ilangillu niuvirunnautiqanginnirmut, attanangittuni qanimmangnangittuni niqittiavaujuni niriqattariaqarninginnut nirijumajanginnullu uummariktuulutik qanuingittiaqullugillu inuusinginni” (Silarjuarmi Niqiqattiarnirmut Katimarjuarniq 1996). Arraaguni aturataaqattinni, Inuit Tapiriit Kanatami nuattinasuksimavut nunalingni aviktursimaniujunilu qanuinniuujuni tautuktanginnilu aqqiqsuiqatautilugit Canada-mi atuqtaujuksami nirijaksaqattiarnirmut inuit nunanginni.

Nunait avittuqsimaninginni tusarvigarasuarniq 2008-mi 2009-milu saqqittilauqpuq pigiarviujunnaqtuni killilurutaunnaqtunillu Canada-limaamut inuit nunanginni aturunnaqtuni nirijaksaqattiarnirmut ukua piqasiutillugit: Canada-limaami nirijaksattiarnirmut maligarmi, ilauluni nirijaksattiarnirmut ukiuqtaqtumi kiinaujaliurasungnirmut nunamingaaqsimajunillu pivalliatittinasungnirmut ilaunginnariaqarluni kisutuinnamut parnagasungnialiraangata atuagaliuqpalluniullu iluani, piusigiarlugu nirijaksaqattiarnirmut ikajuutiuvattuq, ikajuqsurlugu inuit niqigisuunginni akikilligiaruti usijaujjutinginnut inuillu iliqqusingatigut pitittiqattarniq, nunalingnilu qaujijajauttiarluni ilinniaqtaukkannirlunilu timimut atuutiqaqtut niqit ammalu timimi kamattariaqarniq puvallunnaqtumi timiup iluaniittuqutiqaqtut qangatuinnaq puvallulirunnarluni, ikajuqtaukkannirlutiklu nunalingni ajurnangippaallirutaunasuktut qaujijajautigiakkannirlugillu tamakkua avataani atuutijut nirijaksaqattiarnirmut aktuivattut. Inuit Tapiriit Kanatami maanna kamagijauvalliavuuq ilulitujumi Canada-mi atuqtaujuksami tamakkua killilijajausimajut aturtauqullugit inuit nunanginni.

Uumajuliriniq

Inuit Tapiriit Kanatami isumaalungmata qaujisarutaajut qaujijajaugiaqtaujujullu gavamatuqakkunut uumajuit qaujisaqtauninginnut naasaqtauninginnullu angummatittiaraluarmangaata pitaqaqtiginingit nunalingnuungajuni ammalu nunaqaqqaqsimajut qaujijajatuqanginni. Inuit Tapiriikkut Kanatami kajusiniaqpuq ujirigiqattarlugu tamakkua inungnut aulatauqataajut uumajuit nungurujulirninginnut naammakkaluarmangaata

uqausiksaqarviuttiaqullugillu arraagunut tallimanut takunaktauninginnut Canadami uumajuit ulurianaqtumiittuqutingit piqujaqtigut (SARA) ammalu atuagangitigut.

Tamanna arraaguni atuliqtattinni iqqagijaunginnarniqsauliqtillugu aktuisimalirninga ikpingnaqtiginingalu silaup asijjipallianinga inuit nunanginni ukiuqtaqtumilu uumajurnilu, Inuit Tapiriit Kanatami piliriatqainnaqsimgmata tusaumatittinirmullu ikajuinnaqsimgmallutik inuit timiqutigijanginni, gavamatuqakkunni (piluaqtumi Canada-mi uumajulirinirmut pijitsiqtit), avittuqsimaniujuni ukiuqtaqtumilu gavamaujuni aulattiviqagtuni, aulattiqatigiingujullu inuit katimajuijut inuit nunanginni. Piliriangata ilagillu, Inuit Tapiriit Kanatami piliriatqatigattiqsimagivut Canada-mi nunaqaqqaqsimgmamut katimajinginni uumajunut ulurianaqtumiiliqtunut nungurujungnirmut (nacosar) ikajuqtauqullugit inungni kiggaqtuijuq katimajini ilagijauqullugillu atuagalirinirmut parnaivallianirmullu katimajiralaarijanginni.

Inuit Tapiriit Kanatami aktuaniqainnasuungugivut nunaqaqqaqsimgmajut qaujijajatuqanginni katimajiralaangujuni takkutiguuna katimajinut uumajuit ulurianaqtumiiliqtut nalunaiqtausimgmajut Canada-mi (COSEWIC). Takkuattaq sulit, Inuit Tapiriit Kanatami kamagijaqasuunguvut tusaumatittinirmi inuit silarjuarmiugatiit katimajinginni (Canada-mi) inungnuungajuni uumajulirinirmut tusaumajaujumavattuni isumaagijaujunilu aulattiviqarvingata ungataaniitillugillu Canada-up inungit qaujimatitauttiaqullugit ammalu uqarviqattiarunnaqullugit tamakkunungaangajuni.

Aqsarniit Tuktunginnut Nunaqaqqaqsimgmajut Uqaujigiatigut

Inuit Tapiriit Kanatami ilauqatauqattaqsimgmata Aqsarniit Tuktunginnut Nunaqaqqaqsimgmajut Uqaujigiatiginnut taimangat pigialauqsimgmata September 2009mi. Inuit Tapiriit Kanatami aqqiksuiqataulaursimgmata piliriatksauniartuqutinginni, uqarviqqsimgmallutiklu Aqsarniit Tuktunginnut Nunaqaqqaqsimgmamut Uqaujijinginnut ammalu qilanaartukut aulanirijanginni naukkut aktuaniqarmangaata nunaqaqqaqsimgmajut qaujimanirijangit ammalu qallunaat qaujisaqtiit killisinarusingit Canada-mi tasuinangnirmut atuqtaujuksaqtiginni atuqtaulirtuksamaaq 2010-2011 iluani.

Nuktartut nunainnamiutait tuktut

Qatsikallaungmata aktuijut inuit nunanginni tamakkua tuktuit pitakillivallianinginnut nuktartut. Tuktukiinnalungninga nirijaksaqattianginnirmullu ilaqaqtillugu aktuaniqatugijauvalirmingmat aulattittiarunniirmangaata aulattijuijut tuktuit pillugit asinginnilu nunaujuni aktuiqattarmangaat tamanna gavamakkunut tamanna uumajuliriniq aulatautillugu. Mannarataakkut iqqaqtuiviit Yukon-mi Nunatsiarmilu aulattinirijanga Porcupine Qingaullu tuktunginni tamakkuninga saqqijaarutikkanniungmat. Inuit Tapiriit Kanatami tamakkuninga qaujimanasuattiaqtuq inuit nunagijanginni taimaippalliingmangaata.

Isu maalutaujut pillugit pivalliatitaunasugumajurlu tukuqarviusuungujuni, aviktursimgajuni nunaliujut maligaqtigut sapummijausimgajariaqarninginni uqaqattalirmata tuktunut irniurviusuut nirraqarviusuullu, inuit nunanginniinnaluk tamakkua iniaqtutik. Kingullirpaamilu nirijaksanut ulurianangikkaluarmangaata makuninga takujaulimangittuni aanniaqaqattaliqtillugit qanuujjusaqattaliqtillugillu tuktut. Inuit Tapiriit Kanatami qaujisaqtini uqaqatigatqapallivut tamakkua ulurianangikkaluarmangaata qaujisaqtajjuumiqattaqullugit.

Nanuit

Inuit Tapiriit Kanatami piliriatqatigattianginnaqput aviktursimgajuni inuit katujjigatigiinginni ammalu silarjuarmi inuit katimajinginni-Canada tamakkuninga qaujimagiarasuktuinnaullutik unikkaariqattaqtugillu nanuit qanuippallianingit qanuiliuqtauningillu Canada-mi Canada-taullu silataani. Inuit Tapiriit Kanatami tusaumatittiqattarivut avatilirijikkunni Canada-mi ammalu Canada-mi uumajulirinirmut pijitsiqtinginni nanuit pillugit ulurianaqtumiitsugijaulirninginnut asingillu tamakkua aulajjaktausimgmajut Canada-up iluani silataannilu.

Arraagumi piliriaksariliqsimangmijavut parnainiq aaqqisuqsimattiaqtukkullu pijaksaqarasuarniq katimaqatauniriniaqtavut 15-gijanganni katimanirijanganni silarjuarmiuqatigiit tauqsiqturutinginnut uumajuit ulurianaqtumiittut (CITES) katimalaurmata March 2010 Doha, Qatar-mi. Amialikanmiut tuksirausiulauqput nanuit CITES-kut uigungani 2miittut uigunganuuqtaungaaqullugit 1mut. Uigunganuuqtaukpata 1mut tukiqaqpuq Canada-up silataanuuqtaujunnailligajarmata nanurait, tamannalu inungnut aktuiniqallarikkajaqtuni.

CITES-kut akiraqtuqtutik Amialikanmiut tuksirautingani nirualauqput, Inuit Tapiriit Kanatami suli aviktuqsimajuni inuit katujjiqatigiingninginni piliriqatigainnarniaqput gavamaujunillu upalungaijaqsimattiaqullugit kingullirmut katimaniulaaqtumut (CITES), Thailand-mi.

Nattiq

September 2009, tariup akiani nunaliit katujjiqatigiingit jurupian katimajingit kajusitittilaurmata ikaaqtittittailinirmi (maligangitigut naasautilik 1007/2009) qisirajalimaani isiqtauqattaqunagu niurrusirviuqattaqunagulu nattiit qisinginni. Maliganga inulimaanut saqqitaulauqtuq pivalliajuqutingitigut October 30. 2009mi, taanna maligaliarijaulauqtuq ullut avatit (20) anigurmata atusilluni. Maliganga pinasuksimajuq tamakkua tauqsiqturutaqunniqtugit niurrutaujunnaiqqullugillu nattiit aivirajarujulimaallu, qanuittuuguluaqpata, qanutigi ukiuqaqtiginnirialuaqpata, kisukuttigigaluaqpagu kisuliarisimannirialuaqpallunniit (amiq, qisik, niqi, uqsuq, tuugaaq, saunig) niurrutigijaujunnangittuni tauqsiqturutaqunangittunillu 27ni nunait gavamaqarvigijaujut ilagijauviqarvigijanginni.

Maligangattaq iluliqarmingmat pingasuilingajuni “atuutijunnartuni,” suurly nangminiq aturniaqtamini, tuquraqtaujariaqaliqsimajuni ammalu tauqsiqturutausimajuni kiinaujaliurasuutaungittukkut kisiani ammalu inungningaaqtut asinginnilu nunaqaqqaqsimajuni taimaak inuunasuarutigillugu angunasuqattaqtuni kiinaujaliurutiginagu ammalu iliqqusirminik kisiani atuqtillugit.

Nutaaq tariurmiut katujjiqatigiinginni angirutausimajuq Lisbon-mi, atulilaurtuq December 5, 2009-mi, piviqaqttivuuq ilagijaungittuni iqqaqtuivikkuuqtittunnaqsugit takkua akisaqturlugit tariup akiani gavamait katujjiqatigiingningata aaqqiksimajanga, January 2010 killigillugu nattirnuungajunut. January 11, 2010-ni pinasugutitigut tanna maligaq aturunnirtitaunasulaurtuq. Inuit Tapiriit Kanatami, asingillu inuit katujjiqatigirijangit inutuinnaiillu Canadami, Kalaatillu Nunanganni. Tamatumuuna kiumajjutiqaqput maligaqtigut akisaqtuijunnautiksaqangimmata Canada-miut inunginnut. Mannaujuq tamanna tariup akiani gavamait katujjiqatigiingitta iqqartuivingattigut (Brussels, Belgium-mi).

Arnniaqarnangittuliriniq avatilirinirilu

Tukimuaktittiji: Elizabeth Ford

Atuagaliriji arnniaqarnangittulirinirmut pilirigi: Tanya Nancarrow

Avatilirinirmut atuagaliriji piliriangujunut kamaji: Eric Loring

Atuagalirinirmut uqaujjiartitijiit: Tina Price, Joni Boyd, Jennifer Forsyth, Selma Ford, Jim Cincotta, Anna Claire Ryan, Looee Okalik, Martin Lougheed, Leanna Ellsworth

Qaujisartiit: Soha Keen, Meghan McKenna

Allavimmi ikajuqti: Meeka Serkoak

Inuit qaujisarvingat: Inuit Qaujimaginnut Tuttarvik

Tuttarviujuq sivulirtiusuunguvuq inungnut qaujisartuliriniujuni takkua makkuktut qaujimanigattialiqullugit piuniqsakkullu qaujisarunnarsivalliaqullugit, killisiarunnaqullugit ammalu atuagaliurlutik Canada-up iluani, ukiurtartulimaami ammalu silarjuap iluani atuutiqarvigijanginni.

Pigiartaulaurtuq January 2010-mi, inuit qaujisarvingat tuttarviuvuq ajuranniirsarviuqullugit pijunnarsivalliatiaqullugillu inuit akurnganni tiliurittiaqattaqullugillu tukisiumaqatigiittiarlutik qaujimagummarit ilisimajut ammalu inuit qaujimanirijangit. Aturunnartanginni suurlu sanarrutitut inungnut aturtaujunnartuni killisinarutausimajuni atuutiqattiarlutik naammagiarsimajuumiqattaqullugillu inungnut nunagijaujuni ammalu inuit qaujimanirijangit.

Tuttarvik aqqiktaulaurmat tamakkua qilammuijukkut kiujaularialiit pilirijarialiillu qaujisartulirinirmut angummatijauqullugit aulattiviqarnirmut nunami, pivalliatittinirmut, silaup asijjipallianinga ammalu uunatartursalirinirmi. Arraaguqaujumi, tuttarviup iqqanaijartingit inuit nunanginni tusariarviqattiarimajut, pigiaqtittilaurillutillu piliriqatigiingnirmi nalunaijarsimattiarlutik piliriaksanut parnautiliurnirmi aturniartanginni arraaguni aggirtuni.

Inuit qaujisarvingat: Inuit Qaujimaginnut Tuttarvik

Tukimuaktittiji: Scot Nickels

Parnaiji aturniaqtunut: Carrie Grable

Tusagaksaliriniq

Tusagaksalirijikkut tamakkuninga tusaumatittinirmi tusagaksalirinirmillu piliriaqarmata Inuit Tapiriit Kanatami aturtausimajuni tusagaksaniartiujunut, ammalu tamakkuninga pimmaruijunik timiujuqutigijattinnut saqqitauqattariaqasuungujunik. Apiqqutaujunik Inuit miksaanut Canada-mi kiuqattaqput, ikajusuungullutiklu Inuit Tapiriit Kanatami pilirivuijuni sivulirtinginnilu ilinniartittinasusuungullutiklu Inuit miksaanut Canada-mi. Takkua pilirivigijanga marrukkanniingni tusagaksalirijijuni pilirijitaakkannilauqput, utiqtitauullunilu tusagaksalirinirmut pilirialingmi tusagaksalirijikkut ataagut.

2010 Inuit Arraagunga

Ukiurijangavut 2010 Inuit Arraagunga qaujimajaugiakkanniullugit Canada-miutauqatittinnut makuninga inuunlluta Canada-mi pijjutigivaktattinni ammalu quviasuutigilugit Inuit pijunnarsisimajangit Canada-up iluani ammalu ajunginnirijanginni. Pimmaruijut saqqittiniq inuit isumagijanginni alakkainiq isumasiurilaurtillugit November 2009. “ukiurtartuup kajjinga” saqqittilaurmat Canada-miutaujut qaujimaluaraalungimmata inuit miksaanut Canada-up iluani, kisiani qaujikkannirumallariktut, allaat ukiurqtartumuarumallutik.

2010-mi arraaguqaqtittiniq pigialauqpuq kiinaujani piruqtittinasungnirmi niritittiniulluni taijaulluni “ukiurtartumingaarsimajuni niriniq,” Canada-mi takujagaqarvigjuangujumi aturtaulaurtuq takkualu kiinaujaliarijaujulimaat turaaqtitaulaurput ukiuqtaqtumi nutaqqanut makkuktunullu kiinaujaqartittijijunut. Nutaaq qarasaajakut Turaartarvik (www.inuit2010.ca) aqqiktaulaurpuq qaujimajaulikkanniullugit inuit pijunnarsisimanirijangit ukiuqtaqtumi ammalu tamakkua ulluit pimmariusimajut pivallianirijangit quviasuutigisuungillu nalunajarsimallutik. Ullursiutiksani, akinnamiutaksami, uvingingmut nipitigialingni aikittunillu tunisiuqailaurput inuit nunalilimaanginnut tunnirsaillutik 2010 inungnut arraagujumi quviasuutiqaqatauqullugit.

Tusagaksalirinirmut ikajurniq

Tusagaksalirinirmut pilirivuijuq pilluataujunik pijaksaqasuungugivuuq makuninga tusagaksanik, uqausiksanic, pivalliajutigullu qaujimajaujariaqaqtunik, titirarpallianirmillu isumagijaujunik ammalu uqausiksarijanginnilu saqqittiqattarput qautamaat ammalu uqalimaagaksarusuungullutik alakkaisuungullutillu katirsuqsimajanginni. Tusagaksalirijikkut pilirijigut kamagijaqasuunguvut Mary Simon apiqsurtaunirivattanganik tusagaksauniartiujunut.

Aqqiksurtaunirijangit Inuit Tapiriit Kanatami inulimaanut tusartaujunnartunut alakkaumanirijanga pigialaurmata arraagujumi, alakkainirivattangalu akulaittuulirtitaujuumilluni Mary Simon-up titirarpattangit, ammalu aqqiktaullunilu Inuit Tapiriit Kanatami tuvituqkurunnautingani (Twitter). (Qaritaujakut titirarunnauti uqaalautikkut).

Canada-up Gavamakkuginni Inuinnut Turatunut Aulattijijut Iliniartitaunigit

2003-ni, Inuit Tapiriit Kanatami aqqiksilaursimangmata inuit ukiuqarturmiut arvirtarviullutik takujarturtaunirijanginni tamakkua qaujivalliqullugit ujirusulirpalliqurlugillu gavamatuqakkunnut aulattijimmariujut inungnuungajunut isumaliurutiqarpattut, ammalu tamakkua angajuqautiunirsaujut pijittiratiit ukiurtartumuuriuqullugit.

2010-mi, tamanna asiani atturtaulaurpuq inuit aulattijujut ukiurtartumi ilinniartitauningat taimaittuuningani ajiqarjuumiliqullugu ilinniartittingmata ujirusulirpaallirtittinasuktutillu. 2010-mi taimailiurninga 21-ngulaurput angajuqautiujut 12-ni aviktursimajuni gavamatuqakkut pilirivinginni, ammalu Nunavingmuulauqtut. Uqaqatigijaulaurtut illuliriniup miksaanut ammalu takujarturtitaullutik ujaraktariarvingmut Xstrata savirajarsarsiurvingmi. Kingullirmi 2011-nguliqpat Nunavumuulaalirmijut.

Uqalimaagarni alakkaiqattarniq

Inuktitut uqalimaagaq arraguq marruaqtirtugu saqqitauvammatt Inuktitut Qanuujarpattitut, Inuktitut Qaliujarpaititullu, Qallunaatitut ammalu Uiviititik saqqitauvakpuq. Arraagunut avatiinnut marruunnut (40) saqqitauqattaqsimaliqtuq, saqqitauvattuni uqalimaagarni pituqaunirpaangulluni Canada-up iluani. Pituqait atuinnaungmijut qarasaujakkut Inuit Tapiriit Kanatami turaartarvingani. Arraagumi pilluataujut saqqijaaqtitaujut inuit ilauviqarnirilaurtangani pijjutiqarput 2010 Vancouver-mi Olympic-ni.

Akarrijaarutit ilinniarsimajariaqartut (Qaritaujaliriniq)

Inuit Tapiriit Kanatami qarasaujakkut turaartarvinga (www.itk.ca) suli amisuni upaktauvappuq namilimaattiaq silarjuarmi ammalu qaujimajumajunut pivallianiujuuni Canada-up ukiurtartungani. Aqquilluataungmat inuit saqqijaartittijunnarninginnut qarasaujakkut aulajukkut tautuksaujunnarninginnut, tuvitut (Twitter) ammalu pulaarsiviumi atiqaqtuuni (blog). Tusagaksalirijikkuttauq aqqiksuisuungugivut asinginni Inuit Tapiriit Kanatami piliriviujuuni ammalu qarasaujakkut pigiartittiqattarsimavut inuit qaujisarvingat: Inuit Qaujimajanginnut tuttarviujuq ammalu Canada-mi makkuktut katimajinginnut.

Tusaumajuliriniq

Tukimuaktittiji: Steven Hendrie

Tusagaksalirijiit: Melissa Irwin, Marcel Mason, Patricia D'Souza

Tusagaksalirinirnmut kamaji/aulattiji: Craig Clark

Tusagaksalirijjutini pilirialik: Jaymes Ellsworth

Kiinaujaliriniq

Inuit Tapiriit Kanatami kiinaujalirivinga atusuunguvuq aaqqiksimajuni aulattijjusiujunillu tamakkua Inuit Tapiriit Kanatami kiinaujatigut aulanirijanga saqqijaattiaqullugu saqqittivigijarialinginnullu alakkaiviqattiaqattaqullugit. Tamakkua piliriviujut aviktuqsimanirijanginni qilammijukkut saqqittiviuqattaqullugit tammaqtarsimangilluti klu ilulingit naliqqangillu naammalutik. Piliriviujurtauq kamaqattarmingmat qangattautini takkuanu Inuit Tapiriit Kanatami iqqanaijaqtingitta aullarutinginni papattisuungullutiklu Inuit Tapiriit Kanatami kiinaujaqartaarvigivattanginni.

Kiinaujaliriniq:

Tukimuaktittiji: Carol Jattan

Kiinaujaliriji: Natalia Haroldsen

Kiinaujalirinirmut allatti: Koomook McLister

Aullaqataktulliriji/allavimmi kamavattuq: Irina Appa

Kiinaulirijiup Titiraqtangit

Nailligiarsimatillugit titirartausimajut kiinaujait miksaanut qanuilingalirmangaata amma titiraqsimallutik aulatsijjutausimajunik amma kiinaujaqutinginnik Inuit Tapiriit Kanatami, taijauniquaqpalaurtut (Inuit Tapiriiksat Kanatami) atangirlugit kiinaujaqturtuqutingillu isulinniqaqtingit March 31, 2010, mut amma ukiup nunguani isulillutik isumagijattigut isumaalugutiqanata asinginnik ullumimut titiraqtaujut May 14, 2010-mi. Takkua aulatsinirmut kuapuriisan piliriaksarimmauk, tilijaugutigisimammauk nailligiarsimajunik unikkaarsimalutik kiinaujait miksaanut pijariiqsigiaq. Piliriaksagigattigu, malillugit Canada-mi kiinaujalirijinut maligauvattut maligauvattut (Guideline of the Canadian Institute of Chartered Accountants), tusartitsigiaq kiinaujait miksaanut nailligiarsimalutik unikkaarsimajunik.

Isumagijattigu, takkua kiinaujait unikkaarijausimaningit nailligiarsimatillugit, tamarmik titiraqsimajut, pijjutiqarsutik kiinaujait miksaanut titiraqtausimajut malitgit qulaani uqausirijausimagiiqtut.

Taakkua nailligiarsimajut atangingittut tukimuarutausuugugalanik Canada-mi kiinaujanik tammarsimajursiurnirmuk tunngavitigut. Uqalimaartuksait iqqaumaqujavut takkua akaunginaatuinnariaqamata pijjutigijanginnit. Tukiksigiakkannirumajuqaruni kuapuriisan kiinaujaliuqatingita kiinaujangitalu aulagutingita miksanut, asijjirpallianingitalu namminirijangita amma aulagutigivattangita kiinaujait miksaanut, atuinnaugiaqaqput pijariiqsimatsiarlutik unikkaarsimatsiarlutillu.

Kiinaujanik tammarsimajursiurttiit, laisansiqarsutik

Kiinaujanik tammarsimajursiurttiit

Ottawa, Canada

kiinaujait atuqtaujut naliqqangit

maajji 31, 2009, 2008minngaaqtunik nalunaiqsisimagillutik.

	2010	2009
Nangminirijaujut		
Ullumimut nangminirijaujut:		
kiinaujat	\$ 1,388,610	\$ 73,741
tunnirqatauunnartut	215,796	175,530
tunnirqatauut	806,537	3,436,261
aturtauvalliajunut akiliriirsimajut	87,759	22,950
	2,498,702	3,708,482
nangminirijaujut atangirtugit	237,280	304,213
	\$ 2,735,982	\$ 4,012,695
Pasijaujjutatauunnartut (Akiliksats)ammalu nangminirijaujut atangirtugit		
ullumimut akiliksats		
akiliutigijariaqartut ammalu akiliksats	\$ 1,112,207	\$ 2,745,825
qiinaujat ukiuq nutaamut nuutaujut	874,334	216,092
	1,986,541	2,961,917
ungavariartausimajut tunnirqatausimajunit	-	3,690
nangminirijaujut:		
piqutini pirursiat	237,280	300,523
pilirivviup iluani asinngurtauariaqanngittut	299,437	299,437
asinngurunnartut - aulattinirmut piliriangujut ammalu isumarsuutatauunnartut kiinaujat	212,724	447,128
	749,441	1,047,088
	\$ 2,735,982	\$ 4,012,695

aulattinirmut titirautausimajut

maajji 31, 2010, 2009minngaaqtunik nalunaiqsisimagillutik.

	aulattijutaujut	kiinaujaqaqtitaullutik piliriangusimajut	katillugit 2010	katillugit 2009
KIINAUJARIAUJUT:				
Ikajurutausimajut kiinaujait amma itiriallit suli kiinaujait	-	\$ 7,289,913	\$ 7,289,913	\$ 7,502,728
asingit	263,531	-	263,531	330,841
	263,531	7,289,913	7,553,444	7,833,569
ungavariartausimajut kiinaujait, pigiarninganni	126,748	89,344	216,092	531,989
ungavariartausimajut kiinaujait, isunganni	(127,498)	(746,836)	(874,334)	(216,092)
	262,781	6,632,421	6,895,202	8,149,466
ATURTAUVALLIAJUT:				
allaviliriniq/aulatsiniq	-	2,524	2,524	4,735
saqqijaariarutinut	19,105	647	19,752	63,698
kiinaujakkuviniut akiliutaujut	5,431	-	5,431	5,962
tusaqattautilirinirmut	57,145	32,797	89,942	87,498
aittuqtuinirmut	16,146	29,278	45,424	30,878
piqutinut aturtuarniq	5,074	4,844	9,918	11,466
nalliukkumaat	14,740	-	14,740	12,048
allagvik	100,485	73,556	174,041	219,291
amisuliuriniq	36,622	66,535	103,157	115,672
iqqanaijartittinirmut akingit	112,761	1,036,008	1,148,769	1,580,274
maligalirinirmut aturtut	-	104,736	104,736	-
allagvingmik aturtuarniq	281,208	128,726	409,934	354,002
piqutinut sanajauningit amma pimajauningit	4,849	-	4,849	-
kiinaujjaksat ammalu ikajuusiat	188,123	2,490,249	2,678,372	2,709,771
Inuktituuliqtiriniq Uiviitituuliqtiriniq	13,472	34,701	48,173	78,273
aullarutiit	157,153	1,240,968	1,398,121	1,782,187
ANGIJUUTIT KIINAUJAIT:				
illumiutait angijut amma sanarrutiit	29,723	-	29,723	45,817
allaviqatsiarnirsauinirmut aaqqigiarutingit	-	-	-	188,098
aktuajunut katujjiqatigiinut ilaunirmut:				
ingirratitagaksanuulingajut	-	842,000	842,000	875,613

	aulattijjtaujut	kiinaujaqqtitaullutik piliriangusimajut	katillugit 2010	katillugit 2009
	1,042,037	6,087,569	7,129,606	8,165,283
KATILLUGIT AMMALU AULATTINIRMUT ATURTAUJUT	(559,763)	559,763	-	-
Katillugit akilirialinnut	482,274	6,647,332	7,129,606	8,165,283
KIINAUJAT AMIGARTUT (AKIITTUT) SULI AAQQIGIAQTAULAUURATIK -TITIQQAT ATAANI TAKUKIT	(219,493)	(14,911)	(234,404)	(15,817)
piqutigijaujut kiinaujannguqtitauningit	(96,656)	-	(96,656)	(91,889)
Kiinaujait tunirrutauvattut ikajuutit akiqarunnairpallianingit akiliutauvattut	3,690	-	3,690	3,688
Kiinaujait angijuutiit nuutauningit	29,723	-	29,723	233,915
UTIRUKSANIT ATURSIMALIRIIQTUNUT	\$ (282,736)	\$ (14,911)	\$ (297,647)	\$ 129,897

Titirautaujut nangminirijaujut asijjirtauuninginnik

March 31, 2009, 2008minngaartunik nalunairsisimagillutik.

	INVESTED IN CAPITAL ASSETS	RESTRICTED	UNRESTRICTED	2010	2009
KIINAUJARIJAUJUT, PIGIARNINGANI	\$ 300,523	\$ 299,437	\$ 447,128	\$ 1,047,088	\$ 917,191
amiakkuujut (amigarutiit) utirtuksanit atusimaliriiqtunut	-	-	(297,647)	(297,647)	129,897
piqutigijaujut akikiglivallianigit	(96,656)	-	96,656	-	-
piqutigijaujunut ilagiqtausimajut	29,723	-	(29,723)	-	-
piqutituqait akikiglavalliajut kiguvariantitat	3,690	-	(3,690)	-	-
KIINAUJARIJAUJUT, ARRAAGUUP ISUANI	\$ 237,280	\$ 299,437	\$ 212,724	\$ 749,441	\$ 1,047,088